



# CHANSON AR FUMEREZET.

*Var ton ar Parlamant.*

**D**igassit din liou ha paper,  
Ma laqin eun eur vanden  
Bremâ souden var va c'hayer  
Ar merc'het hac o fiben ;  
Rac dies bras eo va speret,  
O velet qement a verc'het  
Pere a zoug en o c'herc'hen  
Corn butun ha liassen.

Mes evel ma zeo danjerus  
Ur vaouz, pa ves fachtet,  
E c'houlennàn ouzoc'h excus,  
Merc'het, mar bezit choqet ;  
Rac bezit persuadet mat  
O pezo bremâ ur flippat  
Abalamour d'ho liassen,  
D'ho putun ha d'ho piben.

Va c'halon a dounjeret  
O velet ar viltançou :

Qement a zo ve sclabezet  
 Pa fumont o c'horniadou ;  
 Ha pa vezont ec'h oza'r yot,  
 Na vanq get sur da gaout e lot,  
 Rac neuze' vezont e trein vat  
 Da fumi ur c'horniedat.

Me a zo avis deoc'h, merc'het,  
 Da ober brinidennou  
 Evit laqat var ho pruchet  
 E plac ho mouchouerou.  
 Qementse ne gousto get qer,  
 En un devez ur c'hemener  
 A rayo meur a vriniden  
 Da blom glaouren ar biben.  
 Goaset, bezit ive difun  
 Da brepar' ho liassen,  
 Da laqat an tamou butun  
 A guefot en ho souben ;  
 Rac m'en assur pred boued ebet  
 Ne vezo deoc'h-u preparet  
 Hep en devezo e loden  
 Eus ar sustanç ar biben.

Pa zit en un tu da bourmen,  
 Ne ve get drouc ho quelet  
 O tispaqa ho liassen

Da rei d'ho commerezet.  
 Va c'hommer, laqit ur c'horniat,  
 Ar vech-mâ e meus butun mat :  
 Pa vezo ar vlaguen gollo ,  
 An ozac'h a bourvezo.

Goude fumi , peur liessa ,  
 E clêvàn e ve sec'het ;  
 Neuze n'em leqeont da lonqa  
 Dour evel touliou gòet.  
 Ne qet soues bras o guelet  
 Gant hidropisi decedet :  
 Coulz e ve dezo eva the ,  
 Pe guîn-ardant , pe gasc.

Mes ne zeus re qeñ disqempen  
 Evel ar vaguerzet ;  
 Unan a zo eus ar vanden  
 E deus dêvet he bruchet.  
 Caër vezo deoc'h , bugaligou ,  
 Mar guellit serri ho qinou ,  
 Rac anez o pezo certen  
 Lod a sustanç ar biben.

Guelet merc'het a zo esqis  
 O fumi ur c'horniedat ;  
 Coulz eo ganén guelet ur vis  
 O neza ur gueyelat.

Un donjer eo guelet o min ,  
 Ha c'hoas e sonj d'an traou indign,  
 Pa ve en o beg ur biben ,  
 E vezont merc'het qempen.

Goaset , pa zit eus ho qêriou ,  
 Ne vanqit qet da guzet  
 Ho putun hac ho pibennou ,  
 P'otramant e viot flippet ;  
 Rac. pa deuyo de c'hoant fumi ,  
 Ne chommo corn abet en ty  
 Na vezo furlogoteat  
 Evit caout ur c'horniedat.

Mar deus , hervez an decrejou ,  
 Commisseret er vro-mâ ,  
 Da gonta ar chiminalou ,  
 O deo labour da chiffra ;  
 Paqet viot , fumerezet ,  
 Rac ret eo , herves an decret ,  
 Paëa divar peb chiminal  
 Tri scoët ha pêvar real.

Bremâ ive , merc'het yaouanq ,  
 M'o laqai er vreuriez ,  
 Rac ne veac'h qet sur contant  
 Ma n'o pe ho tijenes :  
 N'oc'h nemet plac'het divalo ,

Dismeganç, fablen, farç ar vro ;  
 Ha ma na guitait ar butun,  
 Sur e collot ho fortun.

Mes ne deus re qen etourdi  
 Evel ar fumerezet ;  
 Qentoc'h eguet chom hep fumi,  
 E zaent da glasq o bouet.  
 O ziez a vez dislogot,  
 Rac n'o deus na bara, na yot ;  
 A boan vras ê dezo so qen  
 Gallout golo o c'hroc'hen.

Servichereset, c'hui zo sclêr,  
 A ranco mont diarc'hen ;  
 Ho cajou a vezo dister  
 Evit bourra ar vlaguen.  
 Manific e viot evelse,  
 Scànvoc'h e viot da vale ;  
 Ha pa vezo lous an hentchou  
 Na gargot qet ho poutou.

Avoalc'h sur emeus caqet  
 Ar merc'het hac o fiben ;  
 Ma na dint qet convertisset,  
 Int goassoc'h eguet payen.  
 Rac se me ya da finissa,  
 Ouc'h o lezel var guement-mâ :

Selaouit attantivamant  
Va diveza complimant.

Esper e meus, fumereset,  
Goude eur seurt prezeguen,  
E vezo ho calon touchet  
Hac e reot pinijen.

Laqit urz vad en ho tiez,  
Ha chenchit pelloc'h a vuez,  
Rac mar bezit re obstinet,  
E viot excumunuguet.

Ac'hanta ta, fumereset,  
Pean oc'h eus en ho calon,  
O velet qer brao qempennet  
Hoc'h histor hac ho chanson!  
Mes qemerit paeciantet,  
Calz c'hoas a ve da lavaret  
Evit eehvi pen da ben  
An histor eus ar liben.

Ar chanson-mâ so composet  
Gant daou ganfart disourci;  
Evit exerci o speret  
O deus great anezi;  
Ne qet dre intantion fall,  
Mes seulamant evit fareal  
Hac evit en em recrei:

7  
Merc'het, deut d'o fardoni.



## CHANSON

AR PLAC'HC PAOUR HA FUR.

*Var ton Fantic Coant.*

**D**EIZ mad dêc'h, Fantic Coant...

Mes pebes chenchamañt!

Diveza m'ho quelis

E voa fresq hoc'h invis;

Mes abaoue, me gred,

Noc'h eus-hi qet chenchet.

Joa vras ameus ouzoc'h,

C'hoas em bije muioc'h,

Ma vije ho qenet

Eun nebeut decoret

Eus a netadurez....

Pardonit, va mestrez.

Na ellàn qet credi

E ve dre zieguñ,

Qen nebeut supposi

E ve dre loustoni

O cuelàn, plac'h yaowanqen

En ho lingeri fanq.

Anzavit din hep mez.

Doare ho tieguez.

Paourente zo calet,

Mes n'en deo qet pec'het :

Lavarit din hep aon

Ha c'houi a vanq a zaon.

Autrou, e ty va mam

Na gafet qet un tam,

Nac arc'hant da brena,

An dra-se zo goassa ;

Evelse n'en don qet

Da veza tamallet.

Ne ve cavet em zy

Nemet teir scudel pri,

Teir loa goad, ur bodez,

Ur podic da glasq lèz,

Diou scaòn, un tabore,

Ur banq hac ur guele.

Cavet e ve ouspen

Un tamie chaoudouren ;

Ur gos cramaileren,

Trebez, pillic, pladen,

Evit oza crampoez,

Mes nonpas alics.



C'hoas ur c'hribinou mad,  
 Pa ve lin da gribat,  
 Daou gar evit neza,  
 Travouill da zibuna,  
 Tamouez da oza'r bleud,  
 Pa vez guerzet an neud.

N'on neus qet pemp guennec.  
 Da gaout un tam blonec,  
 Nac un dornad olen  
 Da zalla ar zouben,  
 Hac evit ober tan.  
 Hon eus ur garguic lann.

Cetu aze, autrou,  
 Invantor va guiriou.  
 N'en deus qet er c'hontre  
 Ur plac'h qer paour ha me;  
 Mar clasqit ar madou,  
 Chenchit tu d'ho pajou.

Var guementse, f'anttic,  
 N'en doc'h qet pinvidic?  
 Mes ho comzou guirion  
 A ravis va c'halon:  
 Seulvi ma ho clêvàn,  
 Seulvuioe'h ho caràn.

Me zo ur marc'hadour

Dre zouar ha dre zour ;  
 Me meus aour hac arc'hant ,  
 Ha demeuranç charmant ,  
 Gant sourci vras meublet ,  
 D'ho receo pa guerfet.

Tri pe bêvar bloas so  
 E valeàn dre'r vro  
 Evit clasq ur pried ,  
 Ha n'em eus get cavet  
 Ini d'am zantimant ,  
 Nemedoc'h , plac'h prudent.

Lavarit din eta  
 Ha me a dle conta  
 Da gaout ar blijadur ,  
 Dre voneur dreist natur ,  
 D'ho quelet oc'h orni  
 Dre ho qenet va zy ?

Mar bez contant va mam ,  
 Me na zifferin tam.  
 Dre vemes carante  
 Deomp hon daou he bete ;  
 Va c'halon zo mantret  
 Mar bec'h discouviet.

Dèiz mad , greg henorus ,  
 Mam vad , fur hac eurus ;

Mam d'eur verc'h enorabl,  
 Caer, modest, agreabl,  
 Am ho evit pried,  
 Ma n'am refusit qet.

Birviqen ne gredàn,  
 Autrou, vec'h deut amàn  
 Evit ober goulèn  
 Demeus eur vergeren  
 A bep tra dibourve,  
 Sepet a burete.

Sellit e pes castel  
 E chom an demezel;  
 Guelit e peb costez  
 Ar brassa paourentez  
 Evit ho tistrei  
 Deus an nep fantazi.

Mam, eus ho tieguez  
 Em eus anaoudeguez;  
 Var guementse tevomp,  
 Hon tri en em glévomp  
 Da veva en hon èz  
 Dre va finvidiguez.

Autrou, ne dleàn qet  
 Refusi ho reqet,  
 Dre ho tisinteres

Er choas eus ur vestrez ,  
 E zoun sur e rentfet  
 Euruz va merc'h caret.

Dre o friedelez  
 Euruz voent assambles ;  
 Douçter ha yaouanqis ,  
 Modesti ha coantis  
 A zo guell avichou  
 Eguet an oll vadou.

#### CONCLUSION.

Dre'r zon-mâ e veler ,  
 Var ar mèt hac en qêr ,  
 E zeo ar barfetet  
 A blich mui d'ar voaset.  
 Rac-se , merc'het ar vro ,  
 Bezit modest ato ,  
 Hac e cavot pried ,  
 Evel ma teziret.

F I N.

---

E Montroulez , e ti LÉDAN.